

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO-TUŽITELJSTVO
ZENIČKO-DOBOJSKOG KANTONA
Z E N I C A**

Broj: T04 0 KT 0056478 24

Zenica, 14.07.2025. godine

**OPĆINSKOM SUDU U KAKNJU
-Sudiji za prethodno saslušanje-
KAKANJ**

Na osnovu člana 45. stav 2. tačka i) u vezi sa članom 241. Zakona o krivičnom postupku F BiH, p o d i ž e m

O P T U Ź N I C U

Protiv:

N. F., zvani „F.“, neosuđivan,

Što je,

Dana 15.11.2023. godine, u K. , u Policijskoj stanici K. lažno prijavio da je nad njim počinjeno krivično djelo povodom koje prijave je saslušan u svojstvu svjedoka na Zapisnik o saslušanju svjedoka broj: ... , od 15.11.2023. godine, kada je izjavio da je dana 14.11.2023. godine oko 17,00 sati u mjestu ..., općina K., dok se kretao svojim PMV marke „Audi A3“, registarskih oznaka ..., presretnut od strane dva PMV i to PMV „VW Golf IV“ plave boje, karavan, koje je udarilo u prednji dio njegovog vozila i tom prilikom ga oštetio, te PMV „VW Golf V“ bijele boje koje je bilo iza njegovog vozila i od kojeg nije mogao ponovo izaći na cestu, nakon čega su iz pomenutih vozila izašla lica koja su se lažno predstavila kao policijski službenici i tom prilikom izvršili pretres njega i vozila i tokom vršenja pretresa oštetili tapacirunge u vozilu, sve vrijeme svijestan da na taj način lažno prijavljuje da je nad njim učinjeno krivično djelo iako je znao da to djelo nije učinjeno, što je i htio

Dakle, prijavio da je učinjeno krivično djelo propisano Zakonom u Federaciji iako je znao da to djelo nije učinjeno,

Čime je počinio krivično djelo lažno prijavljivanje iz člana 347. stav 4. KZ FBiH.